

21 AUG. 2014

Dato: Politikontoret  
Kontor: Anne-Sophie  
Sagsbch: Abel Lohse 2011-  
Sagsnr.: 730-0029  
Dok.: 1125249

## MISSILIUUT

### **Inuup sananeqaataasa ilisarnaataannut Qitiusumik Nalunaarsuiffik pillugu inatsisip Kalaallit Nunaanni atuutilersinneqarnissaa pillugu peqqussut**

UAGUT MARGRETHE AAPPAAT, Guutip saammaaneragut Danmarkip Dronningia, nalunaarpugut:

Inuup sananeqaataasa ilisarnaataannut qitiusumik nalunaarsuiffiup pilersinneqarnissaa pillugu inatsimmi nr. 434, 31. maj 2000-imeersumi § 9<sup>1</sup> inuup sananeqaataata ilisarnaataannut qitiusumik nalunaarsuiffiup pilersinneqarnissaa pillugu inatsisip aamma eqqartuussisarneq pillugu inatsisip (inuup sananeqaataasa ilisarnaataannut qitiusumik nalunaarsuiffiup inunnut tunngasortaata annertusitinneqarnissaanik, inuup timaanik misissuisarnermi il.il. paasinarsitsissutaartunut piumasaqaatit) allanngortinneqarnissaanik inatsimmi nr. 369, 24. maj 2005-imeersumi § 4<sup>2</sup> inuup sananeqaataasa ilisarnaataannut qitiusumik nalunaarsuiffik (EU-mi nunanut allanut paasissutissanik ingerlatitseqqittarneq il.il.) pillugu inatsimmi nr. 1559, 20. december 2006-imeersumi § 3<sup>3</sup>, Den Europæiske Unionimi pineqaatissiisarneq pillugu inatsisitigut aalajangiisarnertit ilaasa tamakkiisumik naammassineqartarnissaat pillugu inatsisip allannguuteqartinneqarnissaa pillugu inatsimmi nr. 347, 14. maj 2008-meersumi § 5, imm. 2,<sup>4</sup> inatsisinik unioqutitsisimasut tunniunneqartarnissaat pillugu inatsit aamma Inuup sananeqaataasa ilisarnaataannut qitiusumik nalunaarsuiffik (europamiut uppersaatiniq qulakkeerinnimissaq pillugu eqqartuussutigisartagaat pillugu sinaakkusiussatut aalajangikkat naammassineqartarnissaat aamma kiffaanngissusiagaanissamik il.il. pineqaatissinneqartarneq pillugu pineqaatissiinermik suliaasartuni pineqaatissiissutit akuerseqatigiissutigisarnissaat pillugu tunngaviit atorneqartarnissaanik sinaakkusiussamik aalajangikkat naammassineqartarnissaat) pillugu inatsit, Inuup sananeqaataasa ilisarnaataannut qitiusumik nalunaarsuiffik pillugu inatsisip allanngortinneqarnissaanik inatsimmi nr. 479, 17. juni 2008-meersumi § 7, imm. 2,<sup>5</sup> eqqartuussisarneq pillugu inatsit, qamutit assakaasullit nalunaarsorneqartarnerat pillugu inatsit aamma nalunaarasuartaaseriveqarnikkut niuerfinni unammilleqatigittarneq atuisoqarnikkullu pissutsit (Inuup sananeqaataasa ilisarnaataat pillugit paasissutissanik, inussat ipaasa assilineqartarnerat aamma qamutit assakaasullit il.il.) pillugit paarlaateqatigiittarneq pillugu Prümimi aalajangikkap naammassineqarnissaa) pillugu inatsit aamma Inuup sananeqaataasa ilisarnaataannut qitiusumik nalunaarsuiffik pillugu inatsisip (pasisat, eqqartuussaannngitsulli timaasa sananeqaataasa ilisarnaataat pillugit paasissutissat piiarneqartarnissaannut killiliussap) allanngortinneqarnissaanik inatsimmi nr. 405, 21. april 2010-imeersumi § 3<sup>6</sup> naapertorlugit aalajangiunneqarpoq inatsit Kalaallit Nunaanni atuutissasoq imatut oqaasertaqartillugu:

§ 1. Inatsimmi uani malittarisassat malillugit inuit kinaassusersisarneranni politiit iluminni nalunaarsuiffittut atugaanni Inuup Sananeqaataasa Ilisarnaataasa Qitiusumik Nalunaarsuiffik Naalagaaffimmi Politiit Qullersaata toqqortarissavaa allattuiffigisarlugulu.

*Imm.* 2. Nalunaarsuiffik agguarneqassaaq inunnut tunngasortalerlugu aamma malunniutinut tunngasortalerlugu, tak. § 2.

*Stk.* 3. Nalunaarsuiffik assammik allattuiffigisartakkamik nalunaarsuiffittaqarpoq aamma qarasaasiakkut nalunaarsuiffittaqarluni.

§ 2. Nalunaarsuiffimmut taamaallaat ilanngunneqarsinnaapput paasissutissat inuit kinaassusersisarnerani politiinut soqutiginaatillit.

*Imm.* 2. Nalunaarsuiffiup taamaallaat imarisinnaavai paasissutissat:

1) Nalunaarsuiffiup inunnut tunngasortaani taamaallaat ilanngunneqarsinnaapput inuit sakkortuumik inatsisinik unioqqutitsisimasutut pasisat imaluunniit pasineqarsimasut, pineqartup inuttut sananeqaataata ilisarnaataa Kalaallit Nunaanni eqqartuussisarneq pillugu inatsimmi §§ 401-408-mi malittarisassat malillugit uumassusilerinermut tunngasut tunngavigalugit suliami pineqartumi misissorneqarsimappat.

2) Nalunaarsuiffiup malunniutinut tunngasortaani taamaallaat ilanngunneqarsinnaapput uumassusilerinermut tunngasut inuup sananeqaataata ilisarnaatai pinerluffiusuni imaluunniit pinerlunnermut atatillugu pigisani, inunni sumiiffinniluunniit nassaarineqarsimasut.

*Imm.* 3. Paasissutissat imm. 2-mi pineqartut saniatigut nalunaarsuiffimmi taamaallaat nalunaarsugaatigineqarsinnaapput paasissutissat nalunaarsuiffimmi atorineqartussatut allatorneqartussatullu pingaarutillit.

§ 3. Nalunaarsuiffiup inunnut tunngasortaani paasissutissat ingerlaannartumik peerneqartassapput

1) pasilliisut tunngavissaqartinneqarunnaarpat,

2) pinngitsuutitaanermiit, assuarlerfiutip taamaatsitsiinnarnissanik imaluunniit unnerluussutip piumasqaateqanngitsumik atorunnaarsinneraniit ukiut qulit qaangiunneranni,

3) nalunaarsugaq 80-inik ukioqalersimappat,

4) paasissutissat timimik pilattaaneq eqqartuussiviup akueriumanngisaa tunngavigalugu pissarsiarineqarsimappata,

5) paasissutissat timimik pilattaaneq eqqartuussivimmit politiinilluunniit pineqartunit inatsisinik tunngavissaqanngitsutut isigineqarnerat tunngavigalugu pissarsiarineqarsimappata, imaluunniit

6) patsisaasut immikkut ittut allat qaqutigoortumik patsisaasussaataalerpata.

*Imm.* 2. Nalunaarsugaq pillugu paasissutissat piiarneqassapput pineqartup toquneraniit kingusinnerpaamik ukiut marluk<sup>2</sup>

qaangiunneranni.

*Imm.* 3. Pisuni imm, 1, nr. 3-mi taaneqartuni nalunaarsuiffiup inunnet tunngasortaani paasissutissat piiarneqanngitsoorsinnaapput pineqartoo pillugu nalileereernermi nalunaarsukkap attatiinnarnissaa qaqutigoortumik pisariaqartinneqartutut isigineqarpat.

**§ 4.** Nalunaarsuiffiup malunniutinut tunngasortaani paasissutissat piiarneqassapput

- 1) malunniut nassaarineqartoo kinaassusersissutaappat,
- 2) paasissutissat politiinut pingaaruteqarunnaarpata, imaluunniit
- 3) patsisaasut immikkut ittut allat qaqutigoortumik patsisaasussaataalerpata.

*Imm.* 2. Pisuni imm. 1, nr. 1-imi taaneqartuni piiannngitsoortoqarsinnaavoq, kinaassusersineqartoo pinerlunnermut pineqartumut pasineeruppat pasineqarsimajunnaarsimappalluunniit aamma nalunaarsukkap nalunaarsugaatigiinnarnissaanut akuersinini pineqartup nalunaarutigippagu.

**§ 5.** Nalunaarsuiffimmi paasissutissat kinaassusersinissamut atugassat ingerlatseqinneqarsinnaapput

- 1) politiinut, unnerluussisussaataitaasunut aamma Inatsisinik atortitsinermut ministereqarfimmut, aamma Den Europæiske Unionimi pineqaatissiinissamik aalajangiinerit ilaasa naammassineqarnissaanut inatsit malillugu uppersaait qulakkeerneqarnissaat pillugu aalajangiinerup naammassineqarnissaanut atugassanut,
- 2) naalagaaffimmi Den Europæiske Unionimut ilaasortaasumi inatsisit eqqortinneqarnissaanut oqartussaasutut piginnaatitaasumut imaluunniit nunamut isumaqatigiissummut ilaanngitsumut nunalli tamat Schlengenimi isumaqatigiissutaat malillugu suleqatigiinnermut ilaasumut pinerluutigisimasat misissornissaanut imaluunniit pinerlussimanerit pillugit isertortumik paasiniaanissamut atugassanut
- 3) nunat allat eqqartuussiviinut kiisalu politiitut unnerluussisussaataitaasutullu oqartussanut pisortat pineqaatissiisarnermut suliaannut atugassanut, pisoq pisinnaanngikkaluatut isigineqarpat,
- 4) Københavns Universitetimut, Retsgenetisk Afdelingimut, pineqaatissiinissamut suliap suliarinissaani tamanna pisariaqartinneqarpat aamma
- 5) Folketingip Ombudsmandianut.

*Imm.* 2. Naalagaaffimmi Den Europæiske Unionimut ilaasortaasumi inatsisit eqqortinneqarnissaanut oqartussaasutut piginnaatitaasut pineqaatissiinissamik suliap pineqartup paasiniaaffiginissaanut atugassatut elektronik atorlugu ujarlernermi inuup sananeqaataata ilisarnaataa<sub>3</sub>

paasiniaanermi ilaasoq nalunaarsuiffimmi nalunaarsugaatinut sanilliussinnaavaat.

*Imm.* 3. Tamatuma saniatigut nalunaarsuiffimmi paasissutissaatinik ingerlatitseqqittoqarsinnaanngilaq, takujulli § 6.

§ 6. Politiinut ornigulluni saaffiginninnermi nalunaarsugaasimasoq paasissutissat nalunaarsorneqaatini pillugit oqaatsit atorlugit paasitinneqarsinnaavoq.

7. Inatsisinik atortitsinermut ministeri nalunaarsuiffiup atorneqarnissaa allattuiffiginissaalu pillugit malittarisassanik erseqqinnerusunik aalajangersaasinnaavoq. Aammattaaq inatsisinik atortitsinermut ministeri uumassusilerinermut tunngasut inuup sananeqaataata ilisarnaatai paasissutissaatinut tunngaviliisuusimasut nalunaarsuiffimmi ilanngunneqarsimasut pillugit malittarisassanik erseqqinnerusunik aalajangersaasinnaavoq.

§ 8. Peqqussut atuutilersinneqarpoq ulloq [...].

*-mi tunniunneqarpoq, ulloq*

Kunngitut Atsiorpugut Naqissusiillutalul

MARGRETHE R.

/Søren Pind

---

<sup>1</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>2</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>3</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinngilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>4</sup> Aalajangersagaq imatut oqaasertaqarpoq: "§§ 2 aamma 3 kunngip peqqussutaatigut 4 Savalimmiuni aamma Kalaallit Nunaanni tamakkiisumik ilaannarmilluunniit

atuutilersinneqarsinnaapput allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>5</sup> Aalajangersagaq imatut oqaasertaqarpoq: "§§ 1 aamma 5 kunngip peqqussutaatigut Savalimmiuni aamma Kalaallit Nunaanni tamakkiisumik ilaannarmilluunniit atuutilersinneqarsinnaapput allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."

<sup>6</sup> Aalajangersagaq imatut oqaasertaqarpoq: "Inatsit Kalaallit Nunaanni Savalimmiunilu atuutinnigilaq, kunngilli peqqussutaatigut atuutilersinneqarsinnaavoq allaassutit Savalimmiuni imaluunniit Kalaallit Nunaanni pissutsit immikkut ittut allaassutigititaat allaassutigitillugit."